

Acordo do 29 de abril sobre o conxunto de actuacións previstas cara ao remate do curso 2019/2020 a causa da situación derivada do estado de alarma debido á crise da COVID-19

(Aprobado en Consello de Goberno do 29 de abril de 2020, apartado 7 modificado en Consello de Goberno de 1 de xullo de 2020)

Primeiro. Sobre a modificación do calendario de exames polos centros

1. Cada centro poderá modificar o calendario de exames aprobado para cada unha das convocatorias pendentes do curso 2019/2020 e adaptalo ás modificacións efectuadas nas guías docentes.
2. Cofin de que o estudantado este informado coa antelación suficiente, as datas límite para aprobar e para publicar as modificacións referidas ao punto anterior serán as seguintes:
 - Para os exames finais que se manteñan na avaliación do segundo cuatrimestre: 8 de maio
 - Para os exames finais de segunda oportunidade: 15 de xuño
3. Os centros procurarán axustarse aos seus respectivos calendarios de exames xa aprobados, nos que poderán facer os cambios imprescindibles para o axeitado desenvolvemento das probas de avaliación.

Segundo. Sobre a avaliación non presencial

1. As probas de segunda oportunidade programaranse para realizar de xeito non presencial. A finais de maio, en función dos criterios sanitarios e tras o acordo da Comisión de Riscos Laborais, a Reitoría indicará as posibilidades existentes de realizar un certo número de exames de xeito presencial. Nese caso, o centro que desexa trasladar algúns exames á modalidade presencial, poderá solicitalo sempre que cumpra as garantías solicitadas. A decisión final tomaraa o Consello de Goberno convocado para avaliar a oportunidade de pasar á modalidade presencial os exames solicitados polos centros. A Reitoría emitirá un informe previo sobre a posibilidade de técnicas de cumprimento dos requisitos legais.
2. No caso de que se detecte unha diminución significativa entre os resultados académicos correspondentes ao período de vixencia do estado de alarma e os correspondentes aos cursos anteriores en algunha materia, que se poidan considerar atribuíbles á situación xerada polo tránsito á docencia virtual, subiranse as cualificacións ata acadar unha situación semellante á dos cursos anteriores, tras o informe facultativo e non vinculante dos centros e/ou dos departamentos implicados. Para o efecto, considerarase que os resultados son significativamente distintos cando a media das cualificacións da materia sexa inferior á media dos cinco cursos anteriores menos dúas veces a desviación típica ou cando a porcentaxe de estudantes que aproben con respecto ao número total de estudantes sexa inferior á media dos cinco cursos anteriores menos dúas veces a desviación típica deste parámetro.

Terceiro. Sobre as garantías xerais de avaliación no contorno da docencia virtual

1. Independentemente da modalidade de avaliación non presencial elixida para cada materia, o profesorado deberá establecer procedementos de avaliación alternativos para garantir que todo o estudantado poida ser avaliado.
2. O estudantado que amose unha imposibilidade manifesta para realizar as probas programadas, ben sexa por non dispoñer dos medios técnicos necesarios, ben por outra causa consecuencia do estado de alarma decretado, deberá ser provisto polo profesorado coordinador da materia dun medio de avaliación alternativo adaptado á súa situación (nos prazos de entrega, exame oral por videoconferencia ou vía telefónica etc.).
3. A imposibilidade manifesta de realizar unha proba de avaliación polo/a estudante afectado deberá comunicárselle por correo electrónico ao profesorado responsable coa suficiente antelación para poder garantir unha adecuada planificación das probas.
4. Para os efectos do sinalado nos puntos anteriores, publicarase unha guía das posibles situacións que impidan realizar as probas non presenciais por parte do estudantado. Esta conterá tamén as posibles opcións de avaliación para estes casos.
5. No caso de que un profesor/a non estea en condicións de cumprir coas súas obrigas docentes debido a situacións excepcionais motivadas pola crise sanitaria actual, deberá comunicarllo ao decanato ou á dirección do seu centro e do seu departamento para que tomen as medidas necesarias aseguradoras de que o estudantado sexa avaliado.
6. En todo caso, as comisións encargadas da coordinación académica de cada titulación establecerán plans específicos para avaliar o estudantado con necesidades especiais acollido ao programa PIUNE.

Cuarto. Sobre a realización das probas no contorno virtual coas debidas garantías

1. Cara á realización das probas de avaliación no contorno virtual coas axeitadas garantías, con particular atención á protección de datos das persoas implicadas, ditarase a oportuna resolución á que se deberán remitir tanto o profesorado coma o estudantado.
2. Dadas as características específicas da realización das probas non presenciais, publicarase un documento no cal se recollerá un compromiso de integridade académica respecto á docencia e á avaliación de obrigas de cumprimento.

Quinto. Sobre as garantías na revisión das probas

1. A revisión das probas realizarase no día e na hora fixados polo profesorado e de forma non presencial.
2. O estudantado terá dereito a revisar os documentos en que se basee a súa cualificación, podendo interactuar co profesorado para tal efecto mediante calquera medio que a permita, sexa sincrónico (como a videoconferencia) ou asíncrono (como o correo electrónico institucional).

Sexto. Sobre a defensa dos traballos de fin de estudos

1. Os centros poderán realizar novas convocatorias de defensa de TFG e TFM respectando, absoluta e necesariamente, a data aprobada como límite de entrega das actas en cada oportunidade no calendario académico da Universidade de Vigo.
2. En todos os casos, admitirase a defensa non presencial do traballo.
3. Autorízase a defensa ante un tribunal unipersoal, independentemente do que estea recollido na normativa do centro, se este así o determina.
4. As defensas serán públicas. Para cumprir este requisito precisarase publicar a data e hora do acto de defensa, a sala virtual e a clave de entrada, se a defensa se leva a cabo a través do Campus Remoto.

Sétimo. Sobre as prácticas en institucións ou en empresas

O período de realización e avaliación das prácticas externas do último curso de titulacións de grao e master amplíase ata o 11 de decembro de 2020, aplicándose en tal caso o indicado no punto 4 da Resolución Reitoral do 1 de abril (sobre as prácticas académicas externas e as bolsas de formación complementaria do curso 2019/2020 como consecuencia da súa suspensión temporal derivada da situación de crise sanitaria ocasionada pola COVID-19), que permite presentar e defender os traballos de fin de estudos antes de superase o período de prácticas curriculares.

Oitavo. Sobre a modificación das guías docentes

Deterquerealizarseosexamesdesegundaopportunidadexceitononpresencial, fíxase como data límite para a modificación das guías docentes do primeiro cuadrimestre o día 30 de maio. En tal caso, as citadas modificacións deberán ir encamiñadas unicamente ao cambio da modalidade do exame final, así como a unha posible redución da súa ponderación.

Noveno. Sobre a modificación dos requisitos para acceder a mestrados e a programas de doutoramento

O acceso aos estudos de mestrado e de doutoramento autorizarase ata o 31 de decembro de 2020 mediante o procedemento de matrícula fóra de prazo.